

Kreis
Büren.

S, 48

1238.

[1

Die Abtiffin Jutta von Böödeken genehmigt den Verkauf des Zehnten zu Altenböden.

In nomine sancte et individue Trinitatis. Ego Jutta Dei gratia Budicensis ecclesie abbatissa omnibus, ad quos presens pagina pervenerit, perpetuam in Domino salutem. Quocienscunque aliqua memorie digna in nostri presencia ordinantur vel constituuntur, dignum iudicamus, ut per aliquod monumentum posteris nostris nostre acciones innotescant, ut ratum sit, quod agimus et ipsi nostras institutiones non transgrediantur. Notum sit ergo cunctis Christi fidelibus tam posteris quam presentibus, quod dominus Gerhardus de Aldenbodiken post mortem filii sui Heinrici metuens perditionem decime sue in Aldenbodiken, quam diu possederat, accessit ad dominum suum Conradum de Eten et consilio amicorum suorum ipsi decem marcas se daturum promisit, ut coram nobis uxori sue Alheidi et tribus filiabus suis eandem decimam porrigeret. Tali vero facta conventionem utraque pars coram nobis comparuerunt et predictus C(onradus) et suus filius Albero coram pluribus ecclesie nostre ministerialibus et aliis honestis viris, quorum nomina subsequuntur, domine Alheidi et tribus filiabus suis decimam in Aldenbodiken in iure feudali possidendam voluntarie porrexerunt. His igitur sic peractis Gerhardus miles domino suo C(onrado) de Eten iam dictam pecuniam coram nobis persolvit. Ut autem hec rata et inconvulsa permaneant, presentem paginam impressione sigilli ecclesie nostre et nostro fecimus roborari. Acta sunt hec anno incarnationis Dominice M^oCC^oXXX^oVIII^o. Testes huius rei sunt Elisabeth preposita, Alheidis decana et custos, Walderada celleraria; sacerdotes Albodo, Thiodericus, Heinricus, Conradus; Agneza abbatissa de Jeseke. Laici: Heinricus, Rotgherus, Lutfridus, Bruno, Rotgherus de Büren, Conradus, Bertoldus, Andreas de Vesperdhe, iudex in Büren, Horadus de Brenken, Meinfridus, Heinricus de Nova domo, Heinricus iudex in Budeken et alii quam plures.

Orig. Bom 2. Siegel Heiner Neft. Rep. I D^o Nr. 1.